



頭一擺掌腿

咱人通常較會記得頭一擺的代誌，頭一擺的經驗嘛會影響咱未來處理代誌的態度佢方法。我食甲欲四十矣，有一寡仔頭一擺的經驗，有的想起來閤誠趣味，有的這馬想著猶原誠驚惶。

細漢的時，頭一擺掌腿的經驗是佢阿母去送報紙，彼是我國小歇熱的時陣。頭起先我想講阿母欲弄我佢阿兄去迫迫，尾仔才知影代誌毋是按呢。阿母先弄阮去園報紙的所在，共廣告紙楔入去報紙內底，繼落來就根據無仝的路線來分配報紙。

啊是按怎會掌腿咧？這著愛對九份仔的地形講起。九份仔是一个坐山向海的山城，打馬膠厝起佇山崙頂，街仔路大部份是趨趨斜斜，樓梯坎仔誠濟。欲完成送報紙這項工課著愛一直跑來跑去，所以頭一擺送報紙轉到厝，我佢阿兄就掌腿矣。阿母講予阮兩兄妹仔訓練一下，當做阮歇熱的運動。起頭阿母先弄阮行幾擺仔，予阮知影這條路線內底佢一間有訂報紙，順繼教阮按怎共報紙顧予嬌嬌毋通拗著，楔入去人客的厝裡，閤愛注意袂使予報紙澹去。其實大部份的報紙猶是阿母咧走咧送，我佢阿兄干焦行固定的路線。

送報紙這個體驗予阮兄妹仔了解阿母的工課，嘛體會著這項工課的辛苦，而且予阮知影每一項工課攏有伊的銳角，會使要求家己做予閤較好。阿母做送報紙這途強欲十年，有一改發生意外，阿母的大頭拇去予狗仔咬斷，好佳哉後來有接轉去。只要報社有出報紙，就算講透風落雨嘛愛出門送報紙。這項工課阿母一直做甲阿爸共西裝店轉型做藝品店了後，才共金九地區的經營權交予別人。

拄著代誌的時，若我頭一擺的經驗誠好，繼落來拄著相偈的，我就會用較輕鬆的態度來面對。若頭一擺的經驗無好，代誌閤來，心情就會較緊張，驚去犯著仝款的錯誤，會用較細膩、較斟酌的心態來處理。我才欲四十歲爾，閤有誠濟機會會拄著各種代誌的頭一擺，累積各種無仝的經驗。向望未來佇頭一擺的經驗內底，會使學著需要的智識佢得著寶貴的啟示。

作者：溫鳳瑜

☆詞彙學習☆

【掌腿】thènn-thuí/thìnn-thuí：又唸作 thì-thuí。因為劇烈運動而導致腿部肌肉酸疼。

【楔】seh：把東西塞進孔縫內。

【打馬膠】tá-má-ka：又唸作 tiám-má-ka。柏油。

【山崙】suann-lūn：指地勢較一般平原為高的小山丘。

【坎仔】khám-á：又唸作 gám-á。地面上突起的小臺階。

【拗】áu：摺、折。

【銳角】mê-kak：比喻事物細小而且緊要的部分。

【大頭拇】tuā-thâu-bú：又唸作 tuā-thâu-bó。大拇指。